

SO WHAT *What is the relevance of the Word to my life?*

- Gaano mo pinaniniwalaan ang mga katotohanan at aral sa Kanyang Salita? Papaano ito nakikita sa iyong pamumuhay?
- Papaano mo ilalarawan ang iyong espiritual na paglago bilang Kristiyano? Ilarawan mo kung paano ka lumalago sa iyong kaalaman at pananampalataya sa Kanyang Salita.
- Sino ang mga humihikayat sa iyong basahin at sundin ang Bibliya? Sino naman ang mga hinihikayat mong gawin din ito?

NOW WHAT *How do I apply the Word to my life?*

- Kailan at saan ka regular na nagbabasa ng Bibliya? Papaano mo ito gagawing kaugalian?
- Sa anong bahagi ng buhay ka nangangailangang lumago pa batay sa mga pinag-usapan ngayon?
- Nabasa mo na ba ang buong Bibliya? Maaaring makatulong ang mga *websites* na ito:
 - www.ewordtoday.com/year/niv1984/c.htm
 - www.bible-reading.com/bible-plan.html
 - www.bibleplan.org/

PRAAYER

- Hilingin sa Diyos ang kakayahang naisin ang Salita Niya at mangakong basahin ito araw-araw.
- Manalangin lumago tayo sa grasya at kaalaman ng Diyos, at sa pananampalataya at pagmamahal.
- Ipanalangin at hikayatin ang bawat isang basahin ang Bibliya araw-araw at lagi- lagi.



VICTORY

Honor God. Make Disciples.

Karapatang Pag-aari © 2011
Pinahihintulutan ang pagkopya ng lathang ito na galing sa Victory® upang magamit ng lokal ng simbahan.
Ito ay hindi pinagbibili.
victory.org.ph

FILIPINO

Bagay na Nagpapalago sa Akin

Week 3

NOTES

This image shows a single sheet of white paper with horizontal ruling lines. The lines are evenly spaced and run across the width of the page. There are no margins, text, or other markings on the paper.

CONNECT

- Anong masustansyang pagkain ang paborito mong kainin? Bakit?
- Anong pagkain ang madalas mong kainin sa bahay o sa kainan?
- Ano o saan ang paborito mong kainan? Bakit?

WORD

¹⁰Ang ulan at yelo ay mula sa itaas, at hindi bumabalik doon hangga't hindi muna nakapagbibigay ng tubig sa lupa at nakapagpapalago ng mga halaman para makapagbigay ng binhi at pagkain sa nagtatanim at sa mga tao. ¹¹Ganyan din ang aking mga salita, hindi ito maaaring maging walang kabuluhan. Isasakatuparan nito ang aking ninanais at isasagawa ang aking layunin kung bakit ko ito ipinadala.

Isaías 55:10,11

WHAT

What does the Bible say?

Kalooban ng Diyos na tayo'y lumago sa ating ugnayan sa Kanya. Nangyayari ito kapag patuloy nating nanaisin ang Kanyang Salita tulad ng purong espiritwal na gatas (1 Pedro 2:2). Pinalalago din tayo ng Salita ng Diyos sa dunong na tanggapin ang kaligtasang dulot ng pagtitiwala natin kay Jesus (2 Timoteo 3:15). Anu-ano pa ang napapalago sa atin sa patuloy nating pagbabasa at pag-aaral ng Bibliya?

- **Lumago sa grasya at kaalaman ng Diyos.**

Sa halip, lumago kayo sa biyaya ng Diyos at sa pagkakakilala sa ating Panginoon at Tagapagligtas na si Jesu-Cristo. Purihin siya ngayon at magpakailanman! Amen.

2 Pedro 3:18

Ang pagbabasa ng Bibliya ay nakakatulong sa paglago natin sa grasya at kaalaman ng Diyos. Hinahayag ng Kanyang Salita ang mga katangian at kapangyarihan ng Diyos. Sa pagbabasa natin ng Bibliya, lalo tayong nagtitiwalang mararanasan natin ang kabutihan, pabor, at kabaitan ng Diyos. Anong katangian ng Diyos ang naranasan mo kamakailan?

- **Lumago sa pananampalataya.**

Sasampalataya lang ang tao kung maririning niya ang mensahe tungkol kay Cristo, at maririning lang niya ito kung may mangangaral sa kanya.

Roma 10:17

Pananampalataya ang resulta ng pagtatagpo natin sa Salita ng Diyos. Habang lalo nating binabasa, pinakikinggan, at pinag-iisipang mabuti ang Kanyang Salita, lalong lumalakas ang ating pananampalataya. Mas lumalakas ang pagtitiwala natin sa katotohanan kapag naisapuso natin ang Kanyang Salita. At dahil dito, hindi tayo madaling mayayanig ng mga makamundong pag-iisip at paniniwala (Efeso 4:13,14). Ibahagi ang panahong sinubukan ang iyong mga paniniwala. Ano ang nakatulong sa iyong manindigan?

- **Lumago sa pag-ibig.**

¹⁵Sa halip, mananatili tayo sa katotohanan nang may pag-ibig, upang sa lahat ng bagay ay maging katulad tayo ni Cristo na siyang ulo ng iglesia. ¹⁶At sa pamumuno niya, ang lahat ng bahagi ng katawan, na walang iba kundi ang mga mananampalataya, ay pinag-uugnay-ugnay, at ang bawat isa'y nagtutulungan. At sa pagganap ng bawat isa sa kani-kanilang tungkulin nang may pag-ibig, ang buong katawan ay lalago at lalakas.

Efeso 4:15,16

Sa pagsasalita natin ng katotohanan batay sa Salita ng Diyos, lalago tayo sa pagsunod natin kay Kristo at sa pakikitungo natin sa isa't isa. Nagbigay ng halimbawa si Apostol Pablo nito sa 2 Tesalonica 1:3. Ang pakikitungo natin sa kapwa ay batay sa kung paano natin naintindihan at naranasan ang pag-ibig ng Diyos (1 Juan 4:7). Papaano ka natulungan ng karanasan mo sa pagmamahal ng Diyos na makitungo sa iba ng may pag-ibig?